

正觀緣起集頌 - 1

1. 佛說解脫道，四諦與緣起，
2. 甚深諸佛法，由是而顯示。苦集與滅道，是謂四聖諦。
3. 苦者求不得，怨會愛別離，生老與病死，總由五蘊聚。
4. 所謂五蘊者，色受想行識，取識處處住，染著不能離。
5. 此復由六處，取境而生識。或六界和合，世間苦唯爾。
6. 苦生由業集，業集復由惑，發業與潤生，緣會感苦果。
7. 業有身語意，善惡及不動。業滅如種習，百千劫不失。
8. 隨業感生死，不出於三界。煩惱貪瞋癡，不善之根本，
9. 癡如醉如迷，瞋重貪過深。佛攝諸煩惱，見愛慢無明。
10. 我我所攝故，死生永相續。苦集相鈎纏，死生從緣起，
11. 佛說十二支，如城如果樹。無明之所覆，愛結之所繫，
12. 有識身相續，相續而不已。緣識有名色，從是有六處，
13. 根境相涉觸，從觸生於受，緣受起於愛，愛增則名取，
14. 因是集後有，生老死相隨。滅應滅於惑，惑滅則苦滅，
15. 解脫於癡愛，現證寂滅樂。能滅苦集者，唯有一乘道。

～摘自 印順導師所作—成佛之道—三乘共法章～

正觀緣起集頌 — 2

1. 眾生癡所覆，爲後起三行。以起是行故，隨行入六趣。
2. 以諸行因緣，識受六道身。以有識著故，增長於名色。
3. 名色增長故，因而生六入。情塵識和合，以生於六觸。
4. 因於六觸故，即生於三受。以因三受故，而生於渴愛。
5. 因愛有四取。因取故有有—若取者不取，則解脫無有—
6. 從有而有生。從生有老死。從老死故有，憂悲諸苦惱。
7. 如是等諸事，皆從生而有。但以是因緣，而集大苦陰。
8. 是謂爲生死，諸行之根本，無明者所造，智都所不爲。
9. 以是事滅故，是事則不生，但是苦陰聚，如是而正滅。

～摘自 中觀論頌—觀十二因緣品 第二十六～